

Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

5. De iureiruando, in quo Iustitia deest.

urn:nbn:de:hbz:466:1-14077

ter respondeat, soluam, intelligitur, quod creditori debo, non quod iam solui. Item, si Titius mutuò accepit à Caio centum, & ea integrè soluit, iniquè tamen in iudicio conuenitur, & rogarur simpliciter, acceperit nec ne mutuo à Caio centum, iurare potest absolute se non accepisse nam intelligit mutuum esse solutione rescissum, & mutuum non debetur, quod est redditum, & solutum, vel quia solum rogatur à iudice de mutuo, quod debet. Eodem modo si accepit centum, & soluit quinquaginta, & repetuntur ab eo centum, potest iurare se non accepisse mutuò centum, quia quinquaginta iam soluit, ac reddidit. Pariter etiam ratione mulier morti vicina, & Sacerdoti confessio, vel ad iudicium deducto, & coacta iurare se cum marito in posterum victuram; cum tamen id prastare nequeat absque graui sui detrimento, ob occultum coniugij impedimentum, quod vel in confessione aperire commode, aut in iudicio verum esse probare non potest, tuta conscientia iurat, faciam; nec tamen postea ad id factum villo iure compellitur: nam cum iurauit, faciam, hunc sensum habuit, faciam, quod debo: aliud enim eam iurare Sacerdos, aut Iudex non cogit.

Tertia Regula: Quoties in coniunctu hominum communi, de aliquo rogamus iureiurando adicti, si nobis in eo inuria inferatur, nobis fas est iurando verbis ambiguis vti, & ea accipere nostro sensu, quem ipsa verba reddere queunt, quamvis ea in audientium animis alium sensum ingenentur. Ob iniuriam enim, quæ nobis inferunt, integrum nobis est nostro bono confusore, dummodo ambiguè loquamur, ac possint verba sic arte componi, ut reddantur ambigua. Quare libenter concedimus id, quod paulò ante dicebarum de adultera occulta, prater ius à viro rogata, & de eo, qui vt se saluum tueatur, promittit latroni, tyranno, hosti, aut ei, qui ipsum iniquè vexat, & de eo, qui ad portas virbis rogatur, venerit nec ne ex certo loco, qui falso putatur, peste infectus: qui omnes ambiguè respondere queunt, quoniam vel iniuste rogantur, vel verè respondent, prout interrogari iure possunt.

Quarta Regula sit hac: Si nulla nobis fiat iniuria, nec fas est verbis vti ambiguis, nisi eo sensu sumantur, quem audientes concipiunt: & multo deterius, ac peius est ea in alium sensum accipere, atque audientes accipiunt, qui iure nos rogant.

Quinta Regula: Si revera verba, quib⁹ vtrinum significacione sua, & communis hominum vnu ambiqua non sunt, nec habent nisi vnicum tantummodo sensum, ea usurpare debemus eo sensu, quē reddunt, nec licet nobis etiam si contra ius, fasq; omne inter regemur, aliquid mentis cogitatione cōcipiendo in aliud detorquere, nunquam enim fas est mentiri: at is mentitur, qui verba aliter accipit, atque ipsa significant.

Caput V.

De iureiurando, cui iustitia deest.

Primo queritur de iureiurando per promissionem incautam, an iuriandum, quod pro-

missionem incautam confirmat, sit ratum, & firmum. De iureiurando incaute interposito in sermone nostro Angel. iuramentum 5. nū. 2. & sequens. Sylvest. iuramentum 2. q. 7. Tabien. iurare, q. 10. 1. & 12. Nauar. in Manua. ca. 12. nū. 15. 1c. 17. Sot. lib. 8. de iust. q. 1. art. 7. in 2. argumento. Respondeo, hoc loco non tractari de Iureiurando, quo quippiam temerè, & inconsideratè affirmamus, aut negamus, sed de eo, quo incaute, & temerè, aliquid promiximus.

In primis igitur, cum quis rem promittit, que aucto nullo modo fieri potest, aut faltem iis, qui iurat, eam praestare nequit, iuriandum est temerarium, & incautum, & is, qui iurat, lethaliter delinquit, quoniam aut voluntarem haber obligandis se alteri, & praestandi, quod iurat, aut non habet. Si non habeat, mentitur, & proinde in lethalem culpam incurrit, quia mendacium iureiurando confirmat. Si vero habeat, etiam lethaliter peccat, quia iurat se facturum, quod nouit se praestare non posse.

Deinde, qui iurat se facturum aliquid, quod circa lethale crimen fieri nequit, incaute iurat, & lethalem culpam contrahit, siue in animo habet, pro multis exsolueret, siue non habeat. Si non habeat, iuriando mentitur, & proinde lethali crimine tenetur: Si habeat, non quidem mentitur, sed nihilominus se lethali factere obstringit, quia voluntatem habet id praestandi, quod lethali crimine neum auctorem commaculat.

Præterea, qui iurat facturum se aliquid, in quo faciendo, peccatum veniale contrahitur, incautum est iuriandum: vt si quis iurat se mendacium iocosum, aut officiosum dictum, bibitur, cenacurum, aut pransurum plus aqua. **Quæres quare**, qui sic iurat, peccatum admittit in iureiurando, vel in seruando iuriandum, lethale, ne, an veniale? Respondeo, communem est opinionem, si voluntatem non habeat praestandi, quod iurat, lethaliter delinquit, quia in iurando mentitur: si vero habeat in animo id facere, quod iurat, non mentitur. Et licet rati sint quidam, cum lethaliter peccare, tum in iureiurando, tum in iureiurando iureiurando. Hugo in cap. In malis. 22. quest. 4. quem exparre sequitur Angel. iuramentum 5. quest. 2. Verius tamen Sylvest. iuramentum 2. quest. 2. & iuramentum 4. quest. 1. Antonini. in part. 2. tit. 3. cap. 4. f. 1. Tabien. iurare, numer. 11. Nauar. capit. 12. numer. 15. Pifan. Monaldus. Rodon. ut citat Sylvest. & alii tradiderunt, cum, quo diximus modo iuriandum veniale tantummodo culpam contrahere: quoniam fecit in eo faciendo, culpa tantum venialis admittitur: hic is, qui iurat se id facturum voluntate illud praestandi, venialis tantum peccare reus est.

Si item iuret quis aliquid se facturum contra Euangelicum consilium, veniale peccatum incurrit, quod ceſtantur Caiet. 2. 2. q. 89. artit. 7. ad 2. Sot. libr. 8. de iust. q. 2. artit. 3. conclus. 5. Nauar. cap. 12. num. 16. Tabien. iurare, q. 10. quoniam Angel. iuramentum 5. n. 3. & Sylu. iuramentum 2. q. 7. & Bouau. 3. d. 39. artit. vii. q. 3. existimet, cum in iureiurando lethaliter, siue graveriter delinqueret, vt qui iurat non susceptum se Religiosum statum, aut sacros Ordines, aut Episcopatus, & onus, aut sacros ordines, aut non auditur rem diuinoam in diebus profectis. Hoc tamen ita est accipendum, vt is, qui hac iureiurando

rando promittit, non ita iuret, ut Euangelica cōfilia contemnatur, nec iuret se ea non seruaturum, quando p̄cepti vim habuerint: tunc enim absq; dubio lethaliter iurando peccabit.

Quāeres, an eiusmodi iusfirandum sit seruandum? Hugo ait seruari debere in c. Si aliquid. 22. q. 4. Gratianus verò in cap. Innocens. 22. q. 4. s. Iliūcū ergo iusfirandum censet, id quod iuramus interdum vitiosum esse, quia est contra Euangelicū consilium, sed non prohibemur seruare, veluti si quis, ait, post votum castitatis duxit vxorem, iurando promittit se ab ea nunquam discessurum, seruare iusfirandum tuta conscientia potest, licet contra votum iurauerit. At in hoc, ut ibi Glossa annocauit, verbo, *Nunquam*. Graciani sententia deferitur: quoniam potius est votum implendum, quām sequens iusfirādum seruandum. cap. Rurſus, qui clericis, vel vōni, Archidiac. verò in c. Si aliquid. 22. q. 4. docet iusfirandum in re aliqua interpositum contra consilium Euangelicum nō esse seruandū, tum quia est temerarium, tum quia iustitiae, & consilio Euangelico aduersatur; nam malum est fugiendum, bonum faciendum. Ergo qui iurat se aliquid consilium Euangelicum non seruaturum, videlicet religiose vitæ institutum nunquam suscepturn, cum iusfirāt pugnat. Abbas, & Ioannes Andreas in cap. Si verò de iureinrand. sentiunt, si quis iuret se nunquam Episcopi munus, curam, & onus suscepturn, seruare debet, iusfirandum scilicet, ne p̄sit, & ut iusfirādum nocet bono priuato, non tamen ut bono publico nocet. *Mihi* magis placet Antonini sententia, quam sequitur Nauarrus loco citato; nimirum iusfirandum eiusmodi priuata auctoritate violādum esse.

Insuper, si iuret quis aliquid se non facturum, quod ad officium amicitiae, pietatis, misericordiae, & charitatis in alterum spectet, incaute iurat, & venialis se culpæ reum constituit. Ut si iuret se nihil mutuo daturum, fideiūsorem non futurum, non communicaturum cum alio arem, vel scientiam, disciplinamque, quam nouit utilem alijs, non facturum obsequium aliqui, eleemosynam huius, vel illi non erogaturum, nunquam Decurionem, Consulem, Prætorem, Senatorem, vel Magistratum futurum, quod communi, & publico bono obesse videatur. Hoc etiam intelligendū est, in iurando veniale tantummodo peccatum committi, quando id, quod iurat quis, p̄cepti vim non haberet.

Quāeres, an iusfirandum, quo quis iurat se non mutuo daturum, nunquam fideiūsorem futurum, obseruandum sit? De hoc multa Canonici iuris interpres loquuntur, Ioannes Andr. Speculator, Archidiaconus, Abbas, Petrus Ancharanus, Oldradus, Antonius Butr. in cap. Si verò de iureinr. & in cap. Innocens, & cap. Si aliquid. 22. q. 4. Seruandum esse affirmat Laurentius. Sed Archidiaconus negat, quia est temerarium, & charitatis aduersatur: quam sententiam ceteri sequuntur, quāmuis non fatis aperte: at merito Nauarr. loco citato, ait, huissmodi iusfirandi vinculum nō esse obseruandum, sed propria auctoritate frangendum.

Si quis præterea iuret promittendo rem aliquam indifferentem, & mediā, vt potè nec bonam, nec malam, iusfirandi vinculo minime

tenetur, quamdiu res illa indifferēt est: Ut si quis iuret se certo die amputaturum vngues, aut extirsum rus, aut dextro pede, non sinistro egressum domo, aut non nisi hoc, vel illo digito purgaturum aures. Si tamen res illa iuriūrando subiecta bona fuerit, eo ipso iurans iusfirandi religione, & vinculo astringitur. Ex quo perspicitur, qua ratione de multis, quæ iureinrando firmanimus, rectē iudicare possimus. Iurat quis, Verbi gratia, se cum hoc, aut illo homine non collocuturum; hunc, aut illum in dominum suum non admisfirum, hospitio non exceptūrum, de hac, aut illa re non acturum; ex hunc, vel illius officina nihil empturum; hac, aut illac non transfirum. De his enim, & similibus videndum est, an boni aliquid habeant, ut revera habere queant; nimirum si cippium horum quis iurat, ut omne peccati periculum, & omnem mali occasionem p̄cedat: & tunc iusfirandum est ratum, & firmum, & obligationem gignit. Si verò sint res penitus indifferentes, iurans nullo iusfirandi n̄xu, & vinculo tenetur obstrictus.

Secundò quāritur, An iusfirandum quo quis promittit se facturum aliquid ob finem malum sibi propositum sit alicuius momenti, ita ut iuramentum teneat, ac ligat? Respondeo, aliud esse iudicandum de eo, qui iurat se facturum aliquid, ut in lite iniqua, aut ludo iure naturali damnato, cuiusmodi est ludus fraudulentus, aut in bello, quod inique gerit, vīctor euadat, vel ut beneficium Ecclesiasticum malis artibus obtineat, vel ut rem turpem habeat cum certa foemina, vel ut bene sibi res cōtingat in furto, vel homicidio committendo, vel ut is, cuius h̄reditatem expectat, intereat. Aliud verò est de eo iudicandum, qui iurat se aliquid facturum, si ex bello etiam iniquo saluus, & incolimus euaderit: si ex adulterio problem suscepserit, si furis, vel homicida poenas non iuerit, si h̄reditatem adierit, si ob item condemnatus non fuerit, si ex ludo alioqui iure naturali, & diuino permisso, quamvis ratione loci, vel temporis, vel personæ interdicto luciferebit. In prioribus illis, ita ut dixi, iurantibus, iusfirandi finis malus est, ac proinde iurans nulla iusfirandi religione obligatur: nam impium est te aliquid promittere, ut mali aliquid efficas, vel si gratias Deo agas ob malefactum, quasi Deus fuerit mali, siue sceleris auctor. Quod si promissio iureinrando firmata per se mala est, nullam vim accipit ex iureinrando, neque enim iusfirandum id, quod per se malum est, confirmare potest. At in posterioribus iusfirandum non est in malum finem relatum, nec fit ad gratias agendas Deo ob malefactum; nam proles ex adulterio suscepta malum non est, nec si fur, vel homicida, vel iniquum bellum gerens saluus, & incolimus euadat per se malum est. Quando igitur iusfirandum ad finem malum non refertur, verè iurantem tenet, ac ligat: & tale est iusfirandum, quo quis promittit se facturum aliquid, si in bello, furto, lite, saluus euaderit: nam licet beligerando, furando, litigando delinquat; libertatio tamen mali, non est res per se mala. Similiter cum quis iureinrando promittit aliquid, si filium ex adulteria suscepserit, peccat quidem habens rem cum adultera, sed filius ex adulterio

genitus, res mala non est. Pari ratione fieri potest ut peccet quis beneficium Ecclesiasticum impletando, vel hereditatem, aliudque emolumētum, & commodum adipiscendo, loco, vel tempore, vel desiderio non debito; sed beneficium, hereditas, commodumque obrentum, non sunt res per se mala. Quare iuriurandum, quod in malum finem referitur, videlicet, quo aliquid promittitur, ut malum consequatur, vel quo gratias Deo agamus ob malum, quod sumus consequi: similiiter quam iuramus nos aliquid facturos, ut res nobis in malo bene succedat, vel quia res bene in malo succedit, iurantem minimē obstringit: at obstringit illud, quo iuramus nos aliquid facturos ob commodum, vel lucrum, quod Deo aucto-re sumus adepti.

Tertiū queritur, An qui iurat se facturum aliquid parvum, & exiguum, lehaliter peccet, si iuriurandum non seruet? Sit exemplum: Iuriurando si quis promittit se pueru pomum datum, aut salutationem angelicam, vel precationem Dominicam quotidie recitaturum. Sunt duae opinione: Prima contendit lethale peccatum committi, nisi huiusmodi promissa levia, & exigua præstentur. Sic Cajetan. 2.2. q.89. art. 7. ad 1. dub. Quorū lib. 1. var. ref. c. 1. num. 2. Tabien. iuramentum u. 11. Armil. iuramentum num. 12. & Philarchus tom. 1. & lib. 3. ca. 3. de officiis sacerdotis. Animaduertit autem Cajetanus rem minimam posse in promissionem iuriurando firmatam dupliciter venire. Primo, quando est pars aliquius totius, ut si iures te daturum quatuor aureos; & deinde promissum exoluas aīe unico denegato. Secundo, quando non est pars alterius, sed per se res integra, ut si iures te daturum vnum aīsem. Ait igitur Cajetanus, quando rem totam iuriurando promittimus, & deinde promissi partem minimam omittimus, non esse nos lethali peccati reos; sed tantum venialis, quia non ex toto, sed ex parte minima iuriurandum violamus. Ut si quis iuriurando promitteret, quotidie se recitaturum septem Psalmos, qui pertinentium esse dicuntur, & in recitando unum tantummodo versiculum prætermisserit, veniale tantum peccatum contraxisset. Quando vero res subiecta iuriurando est quidem minima per se, sed integra, & tota materia iuriurando subiecta, & non pars alterius materia, si tota negligatur, lehaliter delinquitur: quia iuriurandum ex toto, non ex parte violatur, ut si iures te pueru daturum aīsem, nucem, vel pomum, nec dederis.

Secunda opinio, docet lethale peccatum non admitti, si iuriurandum in promissione rei minima adhibitum non seruetur. Sic Soc. lib. 5. de iust. q. 1. art. 7. & lib. 7. q. 2. art. 2. verific. virum ratione levitatis. Nauar. in Manuali. cap. 12. num. 10. & 11. Anton. p. 2. tit. 10. cap. 4. §. 1. Sylvestri. iuramentum 1. nu. 7. & Nauar. primum lequutus fuit Cajetani sententiam: & postea eam refutavit. Hæc sententia mihi verior videtur, propterea quod cum promissum iureu-rando firmatum omittitur, non est mendacium iuriurando confirmatum, nam qui iuravit, in animo habuit, & iurare, & se alteri obligare, & præstare promissum: sed postea voluntate mutata cum iuriurandum violavit, non est mentitus, sed fidem iuriurando datam perfregit; in qua

violatione, magna, aut parua culpa contrahitur, pro varietate rei magnæ, aut paruæ iureu-rando subiectæ. Siquidem si res est vana, inanis, & fu-tiles, iurantem non ligat: ergo si exigua est, teneat quidem iurantem, sed vinculo, & obligatio-ne leui.

Quaerens, an qui iurat se certo pauperi, vel pauperibus promiscue singulis diebus daturum vnum aīsem, siue nummum arcum, & per annum promissum non solvit, in exitu anni sit conden-andus tanquam lethalis peccati reus? Et eadem quæstio est de eo, qui iureu-rando promittit se quotidie salutationem Angelicam recitaturum, & per annum vnum non recitat. Autem nonnulli, inter quos est Ludou. Lopez in suo instrutorio, cap. 42. & citat Canum, quotidie omittentem, in veniale peccatum tantum incidere, sed postea in exitu anni, in lethale: quia promissio evasit magna, cum tot aīses debeat reddere, aut toties reci-tare promissas preces, quot elapsi sunt dies; ac proinde si promissum non solvit, lethali cul-pe tribuitur. Alij contra in vniuersum aiunt, cum nec quotidie omittentem, nec in exitu anni lethale culpam incurere: quia, quod iurati te diem certum facturum, eo elapsi amplius sub obligatione non cadit. Sor. libro septimo, de iust. quæstionis secunda, articulo primo, verific. quocirca si votum emisisti.

Mihi tamē nec hi, nec illi satis faciunt: est enim distinctione opus in hac controverbia dirimenda: Nam dupliciter potest aliquid in diem certum, ac tempus promitti: uno modo in honorem, & venerationem dei, vel temporis, & huiusmodi promissiones, & obligations cum ipso tempore extinguitur, & cessant. Ex quo fit, ut qui ad ieiuniū seruandum certis diebus Ecclesia lege indictum, aut spontaneo voto promissum compellit, si ieiuniū neglexerit, vinculo eius ieiuniū non amplius tenetur iīs elapsi diebus. Clericus pariter lege Ecclesiæ ad preces horarias quotidie recitandas adstrictus, si uno die non recitet, non amplius ad omislas preces supplendas obligatur. Altero modo, ad tempus certum promissio, & obligatio suscipitur, non in honorem quidem certi temporis, sed ne ultra id tempus promissio, vel obligatio differatur. Sic Ecclesiæ præcepto compellimus semel in anno ad peccata Sacerdoti cōfessenda, ad Eucharistiam in Paschate percipendam: & tamē elapsi anno, vel Paschate hæc præstare debemus, quamvis omiserimus, ut habeat probabilior multorum opinio. Cum igitur quis iuriurando promittit se quotidie daturum aīsem, aut salutationem Angelicam recitaturum, si promissio sit ad singulos dies ob singulorum honorem, singulis elapsis promissio finitur, & definit; ac proinde iuriurandum quotidie violans, semper peccatum admittit, quia in re minima, fidem iuriurādi quotidie perfringit, nec in exitu anni peccatum est ab eo lehaliter: quia singulorum dierum elapsis, promissio quoque finitur, & cessat. At vero, si promissio non sit ob diem honorum, sed ne ultra diem differatur, venialis quidē culpa quotidie contrahitur, quoniam quotidie promissio negligitur; sed ad finem anni lehaliter peccatur, si totū non solvit: tunc enim tot aīses debentur, quot dies toto anno effluxerunt: &

runt: & tories Angelica salutatio recitari debet, quoties est per annum omissa. Et proinde cum res magna euaserit, nisi tota redditur, ac soluitur, letalis culpa committitur.

Quare queritur, An iusfirandum vim habeat, cum res promittitur, quae bonum aliquod longe maius impedit? Respondeo, multiplex esse solere huiusmodi iusfirandum. Verbi causa, luring multi gratia aliorum se aliquid facturos, nimirum ad certum tempus depictruros, transcripturos, docturos, administratores, gubernatores, inservituros. Dubitatur, an huicmodi iusfirandi vinculo adstricti iure queant Religiosorum statutum suscipere? Præterea, quis iurando promisit certa pueræ se eam vxorem ducitrum, an irreponit Religionem profiteri, vel ad sacros Ordines promoueri, vel cœlibem vitam amplecti? De his, & plerique alijs similibus promissionibus iurecurando munitis generatim dicimus, eas nullius esse momenti, quando maius bonum impediunt: nam id, quod est grauius, & maius bonum, leuiori, & minori, naturali iure preponitur. Et in hoc etiam locu[m] habet, quod dixit Isidorus: In male promissis responde sidem, quod refertur in ca. In malis. 22. q. 4. Quando cunq[ue], ergo huiusmodi promissa iurecurando confirmantur, tacite ea conditio intelligitur, dummodo cum maiori bono non pugnet. Si quis item promisit se ad certum tempus facturum aliquid causa alterius, iure potest ad Religionem transire, dummodo præter promissionem iurecurando firmatam, nulla alia obligatio iustitia accesserit, qua restituere aliquid, vel ratione iniuriaz, vel damni illati cogatur.

Contra hoc tamen facere videtur, quod habetur in cap. Commisum de sponsalibus, vbi decet ut Pontifex, vt quidam, qui Iponentia iurauerat, & postea ad melioris vitæ frugem mente coniuncti, in voluntate, & animo habebat institutum Religiosorum profiteri, prius eam in vxorem ducat, quam se ducitrum iurando promiserat. *qua tuus inquit, est irrecurando seruato matrimonium contrahere, & deinde ad Religiosorum statu[m] conuolare.* Vbi Panormitanus, & alij iuris Canonici doctores, item Paulus. 4. d[icit]. 28. qu[od] est. 1. art. 3. Sot. 4. d[icit]. 27. qu[od] 2. art. 5. & Couar. in 4. p. 1. cap. 5. nu. 11. Glosam fecuti, sentiunt, cum hominem obligatum non esse ad præstandum, quod iurecurando ipso ponderat, eo quod sponsaliorum, hoc est, futuri coniugij promissio in Religiosorum domicilium ingressum, quod est maius bonum, impedit non potest. Id vero quod Pontifex statuit, vt ille puellam in vxorem duceret, & postea ad Religionis statum commigraret, aiunt fuisse Pontificis consilium, non præceptum. Rursus, quod idem Pontifex subiecit, *Tutius esse irrecurando seruato nuptias contrahere, & deinde Religionem suscipere, interpretantur.* Tunc esse, non quidem res ipsa, sed hominum opinione. Innocentius vero, & Hostiensis in citato commisum, & alij, Pontificis constitutionis auctoritate coniuncti, docent, cum, qui nuptias pueræ iurando promiserat, compelli ad matrimonium contrahendum, nec posse prius ad Religionis statu[m] tuta conscientia transire.

Mihi tamen nec horum, nec illorum sententia probatur: nam priores illi auctores aperte cum Pontificia Constitutione pugnant, in qua Pontifex tanquam præceptum tradit, vt eiusmo-

di iuuenis prius puellam in vxorem ducat. Cuius quidem rei rationem reddit: *qua tuus est, inquir, iusfirandum seruare:* quod perinde est, ac si dixisset: In dubijs, quod tutius est, sequi debemus. Ergo non secundum hominum opinionem Pontifex loqui videtur, sed secundum rei vim, & naturam. Postiores verò mihi minus placent, quia fallum penitus videtur, cum, qui futuras nuptias iurando pollicitus fuerat, potius adiungi ad matrimonium contrahendum, quam ad Religionem suscipiendum, cum sit hoc longè grauius & maius bonum, quam illud, & iusfirandum maius bonum impidere non possit.

Videtur itaque dicendum, Pontificem in eo cap. Commisum, locutum fuisse de iuvene, qui postquam ad biennium nuptias futuras pueræ iurando promiserat, sub biennij finem, hoc est, paulò ante biennij exitum Religionem suscipere cupiebat, sed non nisi post biennium exactum ingredi in cœnobium Religiosorum constituebat, vt interim fructus ex agro colligeret, & debita solueret, & domi manens prius in austero, & duro vita genebre, quale Religiosos decet, & quale suscipere, & amplecti in animo habebat, sese exerceret. Vnde cum in Monasterium ingressum post biennium differret, qui se puellam vxorem ducitrum ad biennium iurauerat, Respondeat Pontifex tutius esse iusfirandum seruare, quoniam biennij tempus elabebatur, & quid allatura sit futura dies, incertum, & dubium sit. Sic Innocentius, & Ioan. Andreas Pontificium responsum interpretantur. Aut certè dici potest iuuenem illum sub biennij finem suspenso, & incerto animo fuisse, contraheret ne matrimonium, an Religiosorum institutum susciperet; & ita rem totam in tempus differebat: nec enim promissum præstabat, nec ad Religiosorum ordinem transibat: & proinde Pontifex decernit, vt puellam ducat vxorem, & deinde ad Religionis statum se conferat, si velit: quod Pontificis respōsum nihil habet, quod cum iure non congruat. Non enim definit simpliciter promissionem futuri matrimonij iurecurando firmatum potius exoluī debere, quam Religionem suscipi: sed id definit speciatim in ea causa, de qua rogabatur, cum iuuenis ille dubius esset, hoc ne, an illud præstaret, & biennij finis, & existus instaret: & ideo respondet Pontifex: Cum in dubijs tutius, & certius sit eligendum, & si iuuenis dubius sit, utrum ex his duobus agat: & propterea rem totam in dies differat, & bienniū constitutum ad nuptias contrahendas interim elaboratur, satius est, vt matrimonium contrahat, & iusfirandum seruet: siquidem post matrimonium ratum nondum consummatum, intra duorum mensium spatium, quod ius concedit in ca. Ex publico de cōuers. coning. deliberare poterit, si velit, de toto ad Religiosæ vita institutum, & ordinem transire.

Ex his liquet, quid sit dicendum de adolescentibus, qui ad certa collegia admittuntur, vt in eis alantur ob literarū studium, & iurecurando promittunt se in Religiosorum domicilium minime ingressiuros ad Religiosæ vita genus profitēdum inchoio, & inconfulto eo, cui est commissa cura Collegij, aut se in eo statu perseveranturos ad certum tempus, ac in studio literario progressiuros. Existimò enim eiusmodi iusfirandum vim, &

locum habere, quoniam cedit in cōmūnem Reipublicā salutem, & bonum, vt sint literatorum hominum seminaria, ex quibus idonei Ministri deligi queant ad Sacerdotia, & Ecclesiastica munera obeunda. Nec huiusmodi iusfurandum impedit ingressum in Religiosorum ordinem: quoniam admissi iureiurando pollicentur non se suscepuros Religiosę vitę institutum sine permisso eius, cui cura est Collegium. Non ergo iurant simpliciter eiusmodi iuuenes non se ad Religionem transtuleros, hoc enim maius bonum impletet, & iurijurando vim penitus abrogaret. Quod si illi melioris vītę cupidi Religionem suscipere velint, iure posint; petita tamen ab eo facultate, cui est Collegij cura concredita, quamvis non obtenta: quoniam iusfurandum non viuant, cum facultatem pertant: nec tamen eam impetrare, sed petere tantummodo coguntur.

Animaduertendum tamen est tuta conscientia ab huiusmodi adolescentibus iusfurandum exigē, quo promittant se in animo habere in literarū studia incumbere, & in his perseuerare. Aliud enim est iurare, se id in animo habere; aliud verò, iurare se nō ingressuros Religionem sine concessu, aut sine permisso eius, qui Collegium gubernat. Virumque enim iusfurandum cum ratione, & equitate, & iure conuenit, sed diuersum est: nam qui primo modo iurat, facultatem petere, iusfurandi religione, & obligatione non cogitur, & quandocunq; voluerit, potest ad Religionem cōuolare: fatis est, si dum in Collegium admittitur, in animo habeat in literarum studia operam, & curam conferre. At qui secundo modo iurauerit, ad petendam facultatem compellitur, si velit Religionem suscipere. Quarit Nauar. *conſil. 1. de Regularib.* An iuuenes, qui admissi in Collegium Anglorum, quod est in Urbe, vi statuti ipsius Collegij iureiurando promittunt se post absolute literarum studia profecturos in Angliam ad religionem, & fidem Catholicam publicè defendendam, docendam, & haereticos conuincendos, tuta cōscientia ad Religiosorum institutum, & vitam transire possint. Respondeat ille, non posse; quod probat primo, quia seru⁹ in Religionem ingredi iure nequit absque sui domini consensu. Secundo, quia si quis iurando promisit puer⁹ se illam vxorem ducturum, ad Religionem se conferre nō potest, nisi prius cum ea nuptias contraherit, *cap. Commissum, de fonsalibus.* Tertio, quia Procuratores, Tutores, Curatores, & reliqui ad curam, administrationem, munusū, & officium delecti, & obligationis vinculo obstricti nequeunt iure suscipere vitam religiosam, quia sui munera, cura, & tutela debent rationē reddere. Quartio, quoniam qui sunt ēre alieno obstricti ad Religionem se recipere non possunt, nisi debita soluant. Misi hac Nauarri sententia non placet, & multo minus eius rationes, & argumēta probantur: quoniam qui iusfurandum in melius mutat, per iurū non est: *in c. Peruenit. 2. de iureiur. habetur:* promissum non infringit, qui illud in melius commutat. & *Scriptura, de voto, dicitur:* res frat̄i voti non habetur, qui tempore obsequium in perpetuū noscitur religione obseruante communare. Nec rationes Nauarri aliquid concludunt: nam fernus non est sui iuris, sed domini pōssessio. Item cæteri, quos Nauarrus in me-

dium producunt, sunt aliquo iustitiae vinculo hominibus obstricti, & ingressus in religionē cum alterius damno esse non debet: at prædicti iuuenes solum sunt iurisfundi nexus Deo obligati, quod ingressum in religionē impeditare iure non potest.

Ex his etiam perspicuit, quid sit iudicandum de ijs, qui dum ad beneficium, & ministerium Ecclesiasticum promouentur, iurando interdū promittunt Ordinario loci id exigeante, se illud non dimisuros, & deposituros gratia alterius, quod dicere solent se non resignaturos in gratiam, & fauorem alterius, aut cum alio non commutaturos sine consensu ipsius: Eiusmodi enim iusfurandum nō impedit, quin ijs, quorum animus est se ad Religiosorum Ordinem, & statim recipere, beneficium deponant gratia amicorum; quoniam illud rātummodo adhibetur, ne is, cui beneficium cōfertur, statim eo se abdicet, & apud Romanum Pontificem per se, vel per Procuratorem gratia alterius deponat, reseruata sibi certa pēsonē. Sed rārō exigere solent Ordinarii eiusmodi iusfurandum: tantummodo is, qui Beneficium impetrat, & obtinet, iurat se in animo habere Beneficium suscipere, vt debitum officium p̄stet, & Ecclesia iusfuratur: quod iusfurandum equissimum est, & cum ipso Canonico iure conueniens, ne quis Ecclesiæ p̄ficiatur ea voluntate, & animo, vt illam statim cum alia permutteret, aut dimittat gratia alterius, retenta sibi pensione Romani Pontificis auctoritate. Abusus enim est quorundam Beneficiorum impetrantium, & asequentium, vt statim ea cum alijs commutent, vel ijs gratia aliorum se abdicent, & sibi pensiones acquirant.

Caput VI.

Aliæ quedam de eadem re questiones diluuntur.

PRIMO queritur, An iusfurandum valeat contra simplicem, & nudam promissionem? Respondet, Innocentium *cap. Venient. de iureiur. tensisse* eum, qui iurat contra simplicem promissionem, qua alteri se obligauerat, iusfurandum servare debere, & nihilominus satisfacere alteri, cui promiserat se aliiquid facturum. Cæterum Hoffiens. Ioan. Andreas, Abbas, Ancharanus, Antonius, & ali in *cap. Venient. de iureiur.* communis consensu contra Innocentium docuerunt, iusfurandum contra simplex promissum nullius esse momenti, & ponderis. Sic etiam Couar. in *4. de Matrim. p. 1. cap. 4. nu. 3.* sic Henri. in *cap. Venient. de iureiur.* quamvis Imola in eo capite maluit contra communem sententiam Innocentij opinioni adhaere. Exemplum propono: Tertius certe puer⁹ futuras nuptias simpliciter promisit: deinde alteri futuras quoque nuptias iurando spopondit, rata est & firma prima promissio, quamuis sit secunda iureiurando munita. Similiter promisisti Caiote venditurum librum ruum, aut fundum; deinde eundem librum, aut fundum te venditurum alteri iureiurando firmasti: valet prima promissio, quamvis simplex, & nuda, quoniam iusfurandum in secunda promissione interpositū eo ipso, quod est contra simplicem promissionem, cum bonis moribus repugnat: nam primæ promissioni, & f. dei an-